

# 7º CIRCUITO 2022 CORRENDO POLA COSTA DA MORTE

## CARNOTA

XXIX CARREIRA DAS AREAS Concello de Carnota  
11 de xuño de 2022

REGULAMENTO



Madríña do circuito:  
TERESA CASTRO VILLAVERDE

Circuíto 3K contra o Cancro 



organizan:



patrocinan:



XUNTA DE GALICIA



Xacobeo 2021



colaboran:





## ÍNDICE

1.	IDEOLOXÍA	3
2.	PROBAS	4
3.	CATEGORÍAS E DISTANCIAS	5
4.	PERCORRIDOS	6
5.	NORMATIVA XERAL E DE SEGURIDADE	15
6.	PROTOCOLO COVID	16
7.	DEREITOS DE IMAXE, USO DE DATOS E AUTORIZACIÓNS	16
8.	TIPOS DE COMPETICIÓNS	17
9.	INSCRICIÓNS DAS COMPETICIÓNS INDIVIDUAIS	17
10.	COMPETICIÓN POR EQUIPOS	18
11.	RECOLLIDA DE DORSAIS, CHIPS E CAMISETAS	20
12.	CARREIRA 3K CONTRA O CANCRO	21
13.	CLASIFICACIÓNS E TROFEOS/MEDALLAS DE CARREIRA	22
13.4.	MEDALLAS CONMEMORATIVAS	22
14.	CLASIFICACIÓNS E TROFEOS/MEDALLAS DO VII CIRCUÍTO CORRENDO POLA COSTA DA MORTE	23
14.1.	CLASIFICACIÓNS DO CIRCUÍTO 10K	23



# 1. IDEOLOXÍA

O Circuíto de Carreiras Populares “*Correndo pola Costa da Morte*” é un programa anual de carreiras populares, que ten por obxectivo fomentar a práctica de actividade física e deportiva como medio para alcanzar unha vida máis saudable.

O dito circuíto está promovido e organizado por un conxunto de concellos da Costa da Morte: Camariñas, Carnota, Cee, Corcubión, Dumbría, Fisterra, Mazaricos, Muxía, Vimianzo e Zas.

Nesta competición poden participar todas aquelas persoas que o desexen, tanto nenos/as como persoas adultas (nadas no 2019 e anteriores).

As posibilidades de participación son fundamentalmente dúas, tanto en sénior como en categorías base (agás pitufo):

- 1.1. **Corredores/as de Carreira:** son os/as atletas que se inscriben en unha ou en varias das probas das que se compón o circuíto, pero que non participan na competición do circuíto. Deberán facer unha inscrición por cada unha das probas nas que desexen participar. Nas categorías de persoas adultas os/as corredores/as terán a posibilidade de inscribirse na proba 3K Contra o Cancro ou 10K.

Na proba 3K Contra o Cancro participarán en categoría absoluta independentemente da súa idade. A distancia desta proba poderá variar entre os 2000 e os 4000 metros en función do Concello organizador.

Na proba 10K (categorías sénior, M40 e M50) a distancia poderá variar entre os 8000 e 10000 metros en función do Concello organizador.

Nas probas de categoría base os/as atletas correrán as distancias establecidas segundo a súa categoría. Ademais de facer a inscrición, deberán presentar a autorización paterna á hora de recoller os dorsais.

- 1.2. **Corredores/as de Circuíto:** son os/as atletas que se inscriben co obxectivo de completar un mínimo de sete probas do circuíto na modalidade de 3K Contra o Cancro, 10K, ou o circuíto de categorías base (agás categoría pitufo). Estes/as atletas entran na clasificación particular das probas nas que participan e tamén na clasificación xeral do circuíto. Deberán facer unha única inscrición e correr obrigatoriamente con chip amarelo os/as adultos/as e con con chip verde os/as de categoría base (agás pitufo).

Os/as atletas poderán participar na competición por equipos, sempre e cando estean inscritos/as na competición individual de circuíto na modalidade 3K Contra o Cancro ou 10K.

## 2. PROBAS

O circuíto estará composto por un total de 10 probas. Comezará o día 20 de marzo de 2022 coa X Carreira Popular Concello de Camariñas, e rematará o 16 de outubro de 2022 coa VII Carreira Popular Concello de Fisterra.

	CONCELLO	DATA	PROBA
<b>1ª proba</b>	Camariñas	20-03-2022	X Carreira Pedestre Concello de Camariñas
<b>2ª proba</b>	Vimianzo	24-04-2022	X Carreira Pedestre Concello de Vimianzo
<b>3ª proba</b>	Mazaricos	08-05-2022	V Carreira Pedestre Concello de Mazaricos
<b>4ª proba</b>	Dumbría	21-05-2022	VI Carreira Pedestre Concello de Dumbría
<b>5ª proba</b>	Zas	04-06-2022	VII Carreira Pedestre Concello de Zas
<b>6ª proba</b>	Carnota	11-06-2022	XXIX Carreira das Areas Concello de Carnota
<b>7ª proba</b>	Cee	02-07-2022	VII Carreira Pedestre Concello de Cee (NOCTURNA)
<b>8ª proba</b>	Muxía	17-07-2022	VII Carreira Pedestre Concello de Muxía
<b>9ª proba</b>	Corcubión	17-09-2022	XIX Carreira Pedestre Vila de Corcubión
<b>10ª proba</b>	Fisterra	16-10-2022	VII Carreira Pedestre Concello de Fisterra

Os horarios das carreiras das distintas categorías serán establecidos polo Concello organizador e poderán ser consultados na web [www.correndopolacostadamorte.com](http://www.correndopolacostadamorte.com)

### 3. CATEGORÍAS, DISTANCIAS E HORARIO

CATEGORÍA		IDADES	DISTANCIAS	HORARIO
<b>Pitufo</b>	Mixto	2015 – 2019 (ambos incluídos)	150 - 300 m (aprox.)	20:00 h
<b>Benxamín</b>	Masculino	2013 - 2014	1000 m (aprox.)	19:30 h
	Feminino			
<b>Alevín</b>	Masculino	2011 - 2012	1000 m (aprox.)	19:15 h
	Feminino			
<b>Infantil</b>	Masculino	2010 - 2009	2000 - 4000 m (aprox.)	20:18 h
	Feminino			
<b>Cadete</b>	Masculino	2008 - 2007	2000 - 4000 m (aprox.)	20:18 h
	Feminino			
<b>Xuvenil*</b>	Masculino	2006 - 2005	2000 - 4000 m (aprox.)	20:18 h
	Feminino			
<b>Absoluta 3K Contra o Cancro</b>	Masculino	2004 (incluído) e anteriores	2000 - 4000 m (aprox.)	20:15 h
	Feminino			
<b>Sénior 10K</b>	Masculino	1983 - 2004	8.000 - 10.000 m	21:00 h
	Feminino			
<b>Veteranos M40</b>	Masculino	1973 - 1982	8.000 - 10.000 m	21:00 h
	Feminino			
<b>Veteranos M50</b>	Masculino	1972 (incluído) e anteriores	8.000 - 10.000 m	21:00 h
	Feminino			

\* Os/as atletas de categoría xuvenil poderán optar por correr na categoría superior (absoluta en 3K e sénior en 10K) sempre que o fagan constar á hora de facer a inscrición. O feito de correr en categoría sénior (10K) e absoluta (3K Contra o Cancro) implicaría que non poderían optar á clasificación e aos premios da categoría xuvenil.

Así mesmo, implicaría que deberían pagar a correspondente inscrición (9 € por inscrición de carreira, ou 35 € + custo do chip, no caso de non posuílo en propiedade, por inscrición de circuíto), terían dereito á camiseta conmemorativa de cada carreira, e poderían participar na competición de equipos.

## 4. PERCORRIDOS

PITUFOS: 200 m (aproximadamente) – 20:00 horas




**BENXAMÍNS 1 km (aproximadamente) – 19:30 horas**

**ALEVÍNS: 1 km (aproximadamente) – 19:15 horas**




**INFANTÍS, CADETES E XUVENÍS: 3 km (aproximadamente) – 20:18 horas**

**SAÍDA DENDE A PRAIA**






**INFANTÍS, CADETES E XUVENÍS: 3 km (aproximadamente) – 20:18 horas**  
**CHEGADA POLA RÚA DE SANTA COMBA ATA O HÓRREO DE CARNOTA**




**ABSOLUTA 3K CONTRA O CANCRO: 3 km (aproximadamente) – 20:15 horas**

**SAÍDA DENDE A PRAIA**



**ABSOLUTA 3K CONTRA O CANCRO: 3 km (aproximadamente) – 20:15 horas**  
**CHEGADA POLA RÚA DE SANTA COMBA ATA O HÓRREO DE CARNOTA**




**SÉNIOR 10K, M40 E M50: 10 km (aproximadamente) – 21:00 horas**

**SAÍDA**




**SÉNIOR 10K, M40 E M50: 10 km (aproximadamente) – 21:00 horas**



**SÉNIOR 10K, M40 E M50: 10 km (aproximadamente) – 21:00 horas**

**CHEGADA POLA RÚA DE SANTA COMBA ATA O HÓRREO DE CARNOTA**



## 5. NORMATIVA XERAL E DE SEGURIDADE

- 5.1. Todas as probas incluídas no programa do circuíto de carreiras populares “Correndo pola Costa da Morte” rexeranse pola **regulamentación en materia de seguridade viaria do Estado e da Comunidade Autónoma de Galicia**, que establece os requisitos esixidos para a celebración de probas deportivas na vía urbana (Real decreto 1428/2003, do 21 de novembro, publicado no BOE nº 306 do 23 de decembro de 2003 sobre a ocupación da vía pública; e o Real decreto 849/1993 do 4 de xuño de 2003, sobre a contratación do seguro de responsabilidade civil e de accidentes).
- 5.2. Todas as probas incluídas no programa do circuíto de carreiras populares “Correndo pola Costa da Morte” rexeranse **como mínimo** polo protocolo COVID publicado pola Federación Galega de Atletismo e aprobado pola Xunta de Galicia (Ver punto 6).
- 5.3. Todas as persoas participantes recoñecen e asumen, expresamente, o risco inherente á práctica deportiva en canto a un posible contaxio, aínda cando a organización adopte toda unha serie de medidas para que isto non se produza. Nalgúns casos a adopción de tales medidas poderá alterar ou modificar a dinámica habitual de desenvolvemento das competicións.
- 5.4. Cada proba estará subscrita ao **seguro de responsabilidade civil** do Concello organizador, ou da Federación Galega de Atletismo. Tamén contará cun **seguro de accidentes**, que terá as coberturas mínimas esixidas no Real decreto 849/1993.
- 5.5. Así mesmo, todas as probas contarán cun **servizo médico-sanitario**, que constará dunha ambulancia e un médico para aquelas probas que non superen os 750 participantes.
- 5.6. A organización da proba resérvase o dereito de modificar horarios e ou percorridos, así como de aprazar ou suspender a carreira se así o estima oportuno por razóns de seguridade.
- 5.7. No caso de que para o día de celebración da competición se decrete unha **alerta laranxa, a proba será suspendida** automaticamente. Buscarase unha data adecuada para desenvolve-la.
- 5.8. Os/as atletas que durante o transcurso da proba circulen por fóra do espazo delimitado polos vehículos de sinalización de inicio e fin de carreira considéranse, para todos os efectos, usuarios normais da vía.
- 5.9. Non se permitirá a participación de ningunha persoa que non estea inscrita na competición.
- 5.10. Poderanse efectuar reclamacións ante o xuíz árbitro da proba. A participación é libre e leva implícita a aceptación do regulamento xeral da proba. Todo o non previsto neste regulamento resolverase de acordo, por esta orde, coas normas da FGA, RFEA e IAAF en vigor.
- 5.11. O Concello de Carnota **habilitará un servizo de vestiarios e duchas no pavillón de Carnota**.
- 5.12. Os únicos vehículos que poderán seguir a proba serán os autorizados pola organización.
- 5.13. Os/as participantes adultos/as recibirán 1 camiseta conmemorativa no momento da recollida dos dorsais. Para ter dereito á camiseta é obrigatoria a recollida persoal.
- 5.14. No proceso de inscrición nas carreiras ou no Circuíto non se pide o talle, polo tanto **non se garantirá o talle das camisetas**.



- 5.15. Permitirase que os/as atletas de categoría xuvenil, interesados/as en correr as probas 3K e 10K poidan facelo se así se anotaran en cada carreira ou en todo o circuíto.
- 5.16. Descualificacións.
- 5.16.1. O servizo médico da competición está facultado para retirar durante a proba a calquera atleta que manifeste un mal estado físico.
  - 5.16.2. Quedarán descualificados/as os/as atletas que non realicen o percorrido completo.
  - 5.16.3. Serán descualificados/as os/as atletas que manifesten un comportamento non deportivo ou se reiteren en protestas ante a organización.
  - 5.16.4. Tamén serán descualificados/as os/as atletas que incumpra a normativa do protocolo COVID do circuíto ou da proba concreta na que estean a participar.

## 6. PROTOCOLO COVID

### 6.1. CONSIDERACIÓNS XERAIS

- 6.1.1. Este protocolo COVID será susceptible de ser modificado en función do disposto polas autoridades sanitarias e pola Federación Galega de Atletismo en cada unha das probas que compoñen o circuíto.
- 6.1.2. Os/as participantes deben coñecer e asumir o risco inherente á práctica deportiva en canto a un posible contaxio, aínda cando as organizacións adopten toda unha serie de medidas para que isto non se produza.
- 6.1.3. Nalgúns casos, a adopción de tales medidas por parte da organización deportiva poderá alterar ou modificar a dinámica habitual de desenvolvemento das competicións.

## 7. DEREITOS DE IMAXE, USO DE DATOS E AUTORIZACIÓNS

Os/as deportistas inscritos/as comprométense a aceptar estritamente o presente regulamento e calquera posible modificación.

As inscricións formalizaranse a través da web [www.correndopolacostadamorte.com](http://www.correndopolacostadamorte.com).

A realización da inscrición implica que se leron, entenderon e se adquiren os compromisos que a continuación se expoñen:



- 7.1. As/os atletas menores de idade deberán entregar a autorización de participación debidamente cuberta e asinada polo pai, nai ou titor/a legal no momento da recollida do dorsal. O modelo de autorización inclúese no Anexo deste regulamento).
- 7.2. As/os atletas inscritos/as declaran que están en bo estado físico e que pasaron os pertinentes recoñecementos de saúde.
- 7.3. As/os participantes deben coñecer e asumir o risco inherente á práctica deportiva en canto a un posible contaxio, aínda cando as organizacións adopten toda unha serie de medidas para que isto non se produza.
- 7.4. Calquera atleta con problemas médicos (alerxia, atencións especiais,...) deberá facelo constar no reverso do dorsal da proba.
- 7.5. A/o atleta inscrito/a autoriza e acepta a publicación do seu nome e apelidos e a súa imaxe nas clasificacións, medios de comunicación, internet, etc. para a promoción do deporte. Calquera persoa inscrita poderá prohibir a utilización da súa imaxe previa solicitude expresa por escrito.

## 8. TIPOS DE COMPETICIÓNS

- 8.1. **Competición individual** (ver punto 9).
- 8.2. **Competición por equipos** (ver punto 10).

## 9. INSCRICIÓNS DAS COMPETICIÓNS INDIVIDUAIS

Non se permitirá a participación, nin como corredor/a de carreira nin de circuío, en máis de unha proba.

- 9.1. As inscricións realizaranse a través da páxina web [www.correndopolacostadamorte.com](http://www.correndopolacostadamorte.com)
- 9.2. As **inscrición para CORREDORES/AS DE CARREIRA** realizaranse dentro dos prazos e cos custos que se especifican a continuación:
  - 9.2.1. Ata o domingo **5 de xuño ás 23'59 horas**: 8€ + 5€ en concepto de fianza do chip, que será reembolsada pola empresa de cronometraxe na seguinte semana ao remate da proba, unha vez comprobado que o chip devolto se corresponde coa persoa inscrita.



9.3. As **inscricións para CORREDORES/AS DE CIRCUÍTO** realizaranse dentro dos prazos e cos custos que a continuación se indican:

9.3.1. Ata o **domingo 13 de marzo ás 23'59 horas**, cun prezo de 35€ + o custo do chip no caso de non posuílo en propiedade.

9.3.2. Independentemente de realizar a inscrición no prazo anteriormente indicado, os/as atletas de circuíto **DEBERÁN CONFIRMAR DE MANEIRA OBRIGATORIA A SÚA ASISTENCIA A CADA CARREIRA** (AGÁS Á DE CAMARIÑAS). A data límite para a confirmación **será o luns previo á celebración da proba, ás 23'59 horas**.

**O feito de non confirmar a asistencia dentro dos prazos establecidos implica que o/a atleta non terá dereito á camiseta conmemorativa da proba, aínda que si poderá correr.**

9.4. As **inscricións para os/as atletas de CATEGORÍAS BASE** deberán realizarse a través da plataforma [www.correndopolacostadamorte.com](http://www.correndopolacostadamorte.com)

9.4.1. A inscrición para as categorías base será gratuíta. Porén, deberase aboar unha fianza de 5€ polo uso do chip, que será reembolsada pola empresa de cronometraxe na seguinte semana ao remate da proba, unha vez comprobado que o chip devolto se corresponde coa persoa inscrita.

9.4.2. Todos/as os/as atletas de categorías base deberán formalizar e presentar a autorización paterna asinada polo pai, nai ou titor/a no momento da recollida do seu dorsal. A dita autorización poderá ser descargada da páxina [www.correndopolacostadamorte.com](http://www.correndopolacostadamorte.com).

9.4.3. As inscricións para **CORREDORES/AS DE CARREIRA** poderán formalizarse **ata o domingo 5 de xuño ás 23'59 horas**.

9.4.4. As inscricións para os/as **CORREDORES/AS DE CIRCUÍTO BASE** (benxamín, alevín, infantil, cadete e xuvenil) poderán formalizarse **ata o domingo 13 de marzo ás 23'59 horas**.

## 10. COMPETICIÓN POR EQUIPOS

Os/as atletas poderán participar na competición por equipos, sempre e cando estean inscritos na competición individual de circuíto na modalidade 3K Contra o Cancro ou 10K .

10.1. **Poderán formarse os seguintes equipos atendendo ao xénero das persoas que os compoñan:**

10.1.1. Equipos femininos: compostos integramente por atletas femininas.

10.1.2. Equipos masculinos: compostos integramente por atletas masculinos.

10.1.3. Equipos mixtos: compostos por atletas masculinos e femininas.

10.2. Todos os equipos terán que estar formados por un mínimo de 5 e un máximo de 10 corredores/as.

10.3. Os equipos mixtos deberán cumprir a seguinte correlación:

Número de atletas por equipo	Composición do equipo
5 ou 6	2 mulleres ou homes como mínimo
7 ou 8	3 mulleres ou homes como mínimo
9 ou 10	4 mulleres ou homes como mínimo

- 10.4. Para poder optar ao **premio económico** terá que haber un **mínimo de 3 equipos** na categoría. De non ser así, o equipo poderá competir e recibirá o trofeo que o acredita como campión da súa categoría na gala final, pero non recibirá premio económico. Considerarase a un equipo como inscrito dende o momento en que tres dos seus compoñentes (como mínimo) puntúen na primeira carreira do circuíto.
- 10.5. **O prazo de inscrición rematará o domingo 17 de abril de 2022 ás 23:59 horas. A partir da dita data non se poderán realizar máis inscricións por equipos e tampouco se poderán facer modificacións nos integrantes dos equipos.**
- 10.6. **Sistema de puntuación:**
- 10.6.1. Para poder puntuar todos/as os/as atletas do equipo deberán correr e rematar 3 carreiras do circuíto como mínimo.
- 10.6.2. Para poder puntuar nunha carreira deberán participar e rematar un mínimo de 3 atletas do equipo, independentemente do xénero. Se non logran rematar un mínimo de tres corredores/as, os/as que non cheguen consideraranse como últimos/as clasificados/as e puntuarán como tales.
- 10.6.3. O sistema de puntuación rexerese por unha táboa de *clasificación compensada*, na que entrarán tanto os resultados dos/das atletas adaptados/as coma os dos/das non adaptados/as.
- O sistema de puntuación establecerase segundo os seguintes baremos:

Posto de chegada á meta	Número de atletas chegados/as á meta	
Puntuarán os/as 5 primeiros/as atletas do equipo que entren en meta en función da súa clasificación por sexo (masculino ou feminino)	3 chegados/as á meta	6 puntos
	4 chegados/as á meta	10 puntos
	5 chegados/as á meta	15 puntos
	6 chegados/as á meta	16 puntos
A puntuación por posto de chegada sairá da suma dos postos de chegada de cada atleta puntuable do equipo segundo o seu xénero	7 chegados/as á meta	17 puntos
	8 chegados/as á meta	18 puntos
	9 chegados/as á meta	19 puntos
	10 chegados/as á meta	20 puntos



10.6.4. A puntuación total do equipo calcularase segundo a seguinte fórmula: suma dos puntos por posto (ata os 5 primeiros) / puntos número de chegados.

**EXEMPLO PRÁCTICO**

*Equipo A: 6 chegados/as nos postos 10 masc + 20 masc + 21 masc + 5 fem + 10 fem + 15 fem*

*Puntos por posto de chegada á meta: 60*

*Puntos por chegados/as á meta: 16*

*Puntos do equipo:  $60/16 = 3,75$  puntos*

*Neste exemplo práctico tomamos a referencia de clasificación dos dous primeiros masculinos (postos 10 e 20) e as tres primeiras femininas (postos 5, 10 e 15) para facer a suma dos puntos por chegados/as.*

Para formalizar as inscricións por equipo pódense consultar as instrucións que aparecen na seguinte ligazón: <https://championchipnorte.com/ayuda/formar-equipos>

## 11. RECOLLIDA DE DORSAIS, CHIPS E CAMISETAS

### 11.1. RECOLLIDA DA BOLSA DO/DA CORREDOR/A (DORSAL, CHIP E CAMISETA) PARA CATEGORÍAS INFANTIL, CADETE, XUVENIL, SÉNIOR E VETERANO:

11.1.1. **A recollida dos dorsais e das camisetas levarase a cabo NA CONTORNA DO HÓRREO DE CARNOTA a partir das 17:30 horas ata 30 minutos antes do comezo de cada proba.**

11.1.2. Así mesmo, será imprescindible a presentación do DNI para acreditar a identidade do/da deportista.

11.1.3. Non poderá ser recollido o dorsal nin a camiseta por un terceiro.

11.1.4. Os/as atletas menores de idade deberán entregar a autorización de participación debidamente cuberta e asinada polo pai, nai ou titor/a legal no momento da recollida do dorsal. O modelo de autorización inclúese no Anexo deste regulamento.

### 11.2. RECOLLIDA DA BOLSA DO/DA CORREDOR/A (DORSAL, CHIP E CAMISETA) PARA CATEGORÍAS PITUFO, BENXAMÍN E ALEVÍN:

11.2.1. **A recollida dos dorsais e das camisetas levarase a cabo NA CONTORNA DO HÓRREO DO CARNOTA a partir das 17:30 horas ata 30 minutos antes do comezo de cada proba.**

11.2.1. As/os atletas menores de idade deberán entregar a autorización de participación debidamente cuberta e asinada polo pai, nai ou titor/a legal no momento da recollida do dorsal. O modelo de autorización inclúese no Anexo deste regulamento.

1.2. **A CARREIRA INFANTIL, CADETE, XUVENIL E 3K CONTRA O CANCRO SAIRÁ DENDE A PRAIA.** Antes de dirixirse ao punto de saída (praia) é necesario recoller o dorsal na CONTORNA DO HÓRREO.



- 1.3. Para controlar as probas estableceranse controis de cronometraxe por chip, que deberán ir suxeitos aos cordóns das zapatillas.
- 1.4. Será obrigatorio o uso de chip para todas as categorías, **agás pitufo**.
- 1.5. Será obrigatorio o uso do dorsal facilitado pola organización para todas as categorías.
- 1.6. O/a atleta que non porte o chip non poderá entrar na clasificación da proba nin lle computará na clasificación do circuíto.
- 1.7. O/a atleta que non porte o dorsal poderá ser descalificado/a se así o estima a dirección de carreira.
- 1.8. Os/as **corredores/as de circuíto 10K, 3K Contra o Cancro** deberán usar obrigatoriamente **“chip amarelo”**. Os/as **corredores/as de circuíto de categorías base** deberán usar obrigatoriamente **“chip verde”**. Empregarán un **único dorsal** para todas as probas do circuíto.
  - 1.8.1. Tanto o dorsal coma o chip (no caso de non posuílo) recollerase na primeira proba do circuíto na que participen os/as inscritos/as, no lugar habilitado para tal efecto.
  - 1.8.2. No caso da perda do chip o/a atleta deberá mercar outro a través da páxina de Championchip.
  - 1.8.3. No caso da perda ou rotura do dorsal, poderán solicitar outro á organización. **No suposto de necesitar un terceiro dorsal, deberán solicitalo e aboalo a ChampionChip.**
- 1.9. Os/as **corredores/as de carreira** usarán o **“chip de carreira”**. Estes/as atletas deberán recoller o seu dorsal e chip antes da carreira na **CONTORNA DO HÓRREO DE CARNOTA** ata 30 minutos antes do inicio da proba.
- 1.10. Os chips son persoais e intransferibles. A suplantación da personalidade dos/das atletas, sancionárase coa expulsión do circuíto do portador ou portadora do chip e do/da atleta suplantado/a, anulando todos os dereitos adquiridos coa inscrición no circuíto.

## 2. CARREIRA 3K CONTRA O CANCRO

### Carreira 3K Contra o Cancro



Na VII edición do circuíto seguiremos **colaborando coa Asociación Provincial Contra o Cancro**. Deste xeito a recadación obtida para tal fin será entregada á dita asociación cando remate do circuíto, na gala de entrega de trofeos.

Así mesmo, todas aquelas persoas que desexen colaborar coa Asociación Provincial contra o Cancro, sen participar en ningunha competición, poderán facelo inscribíndose no apartado **Fila 0** que aparecerá na web [www.correndopolacostadamorte.com](http://www.correndopolacostadamorte.com), dentro de cada unha das probas que compoñen o circuíto.

## **3. CLASIFICACIÓNS E TROFEOS/MEDALLAS DE CARREIRA**

### **3.1. CLASIFICACIÓNS DA PROBA 10K:**

- 3.1.1. Optan a esta clasificación todos os atletas e as atletas que participantes na proba.
- 3.1.2. Recibirán trofeo e/ou medalla e subirán ao podio os/as tres primeiros/as clasificados/as en cada unha das categorías (sénior, M40, M50) independentemente da súa condición de corredores/as de carreira ou de corredores/as de circuíto.
- 3.1.3. Recibirán trofeo e/ou medalla e subirán ao podio como gañadores absolutos o gañador e a gañadora da carreira 10K, independentemente da súa categoría.
- 3.1.4. Recibirán trofeo e/ou medalla o primeiro e a primeira clasificada empadroado/a no Concello organizador.
- 3.1.5. Os equipos só recibirán trofeo e/ou medalla na gala final.

### **3.2. CLASIFICACIÓNS DA PROBA 3K CONTRA O CANCRO:**

- 3.2.1. Optan a esta clasificación todos os atletas e as atletas participantes na proba.
- 3.2.2. Recibirán trofeo e/ou medalla e subirán ao podio os/as tres primeiros/as clasificados/as en cada unha das categorías absoluta (nados/as en 2004 e anteriores), xuvenil, cadete e infantil independentemente da súa condición de corredores/as de carreira ou de corredores/as de circuíto.

### **3.3. CLASIFICACIÓNS DAS PROBAS BENXAMÍN E ALEVÍN:**

- 3.3.1. Recibirán trofeo e/ou medalla e subirán ao podio os/as tres primeiros/as clasificados/as en cada unha das categorías benxamín e alevín.

### **3.4. MEDALLAS CONMEMORATIVAS:**

- 3.4.1. Ademais, nas categorías pitufo, benxamín e alevín recibirán medalla conmemorativa todos os atletas e as atletas participantes.

## **4. CLASIFICACIÓNS E TROFEOS/MEDALLAS DO VII CIRCUÍTO CORRENDO POLA COSTA DA MORTE**

### **4.1. CLASIFICACIÓNS DO CIRCUÍTO 10K:**

- 4.1.1. As probas puntuables para o VII Circuito Correndo pola Costa da Morte son as que aparecen no punto 2 do presente regulamento.
- 4.1.2. Para poder optar a esta clasificación os/as atletas deben inscribirse no circuito 10K. Os/As atletas que participen en todas as probas pero non se inscriban no circuito non optan a esta clasificación.
- 4.1.3. Os/As atletas participantes no circuito deberán completar un mínimo de sete probas para poder optar aos premios.
- 4.1.4. No caso de correr máis de 7 probas, o/a atleta puntuará cos mellores 7 resultados acadados.
- 4.1.5. A puntuación acadada irá en función do posto obtido en cada unha das probas (1º posto=1 punto / 2º posto=2 puntos / 3º posto=3 puntos.... de xeito que o/a atleta con menor suma de puntos, será o/a vencedor/a en cada unha das categorías.
- 4.1.6. No caso de empate a puntos o sistema de desempate será o seguinte:
  - Número de probas rematadas.
  - Maior número de mellores postos.
  - Maior distancia en quilómetros percorridos (no caso de que as carreiras teñan distintas distancias).
- 4.1.7. Recibirán trofeo e/ou medalla de campións e campioas do circuito os tres primeiros e as tres primeiras clasificadas das categorías sénior, M40, M50.
- 4.1.8. Recibirán trofeo e/ou medalla de campións absolutos do circuito o primeiro clasificado absoluto e a primeira clasificada absoluta do circuito.
- 4.1.9. Recibirán trofeo e/ou medalla o primeiro clasificado local e a primeira clasificada local (empadroados nos concellos organizadores do circuito).
- 4.1.10. Recibirán trofeo e/ou medalla o primeiro clasificado foráneo e a primeira clasificada foránea (atletas non empadroados nos concellos organizadores do circuito).

### **4.2. CLASIFICACIÓNS DO CIRCUÍTO 3K CONTRA O CANCRO:**

- 4.2.1. As probas puntuables para o VII Circuito Correndo pola Costa da Morte son as que aparecen no punto 2 do presente regulamento.

- 4.2.2. Para poder optar a esta clasificación os/as atletas deben inscribirse no circuíto 3K Contra o Cancro. Os/as atletas que participen en todas as probas pero non se inscriban no circuíto non optan a esta clasificación.
- 4.2.3. Os/As atletas participantes no circuíto deberán completar un mínimo de sete probas para poder optar aos premios.
- 4.2.4. No caso de correr máis de 7 probas, o/a atleta puntuará cos mellores 7 resultados acadados.
- 4.2.5. A puntuación acadada irá en función do posto obtido en cada unha das probas (1º posto=1 punto / 2º posto=2 puntos / 3º posto=3 puntos.... de xeito que o/a atleta con menor suma de puntos será o/a vencedor/a en cada unha das categorías.
- 4.2.6. No caso de empate a puntos o sistema de desempate será o seguinte:
  - Número de probas rematadas.
  - Maior número de mellores postos.
  - Maior distancia en quilómetros percorridos (no caso de que as carreiras teñan distintas distancias).
- 4.2.7. Recibirán trofeo e/ou medalla de campións e campioas do circuíto os tres primeiros clasificados e as tres primeiras clasificadas da categoría absoluta.

#### 4.3. CLASIFICACIÓNS POR EQUIPOS:

- 4.3.1. Destinarase a premios unha cantidade de 600 € en vales para cambiar por material deportivo na tenda de deportes Aurora Sport, para os equipos campións das distintas categorías (feminino, mixto, masculino) nos Circuítos 10K e 3K Contra o Cancro.
- 4.3.2. O importe final de cada un dos vales dependerá do número de equipos con dereito a premio económico ao remate do circuíto. Se houberse 6 equipos con dereito a premio económico (tres por categoría e circuíto) cada un deles levaría un vale por valor de 100 € en material deportivo. Se algunha das categorías quedase deserta e o número de equipos con dereito a premio fose menor, os 600 € repartiríanse de maneira proporcional entre eles.
- 4.3.3. Para poder optar ao **premio económico** terá que haber un **mínimo de 3 equipos** na categoría. De non ser así, o equipo poderá competir e recibirá o trofeo que o acredita como campión da súa categoría na gala final, pero non recibirá premio económico. Considerarase un equipo como inscrito dende o momento en que tres dos seus compoñentes (como mínimo) puntúen na primeira carreira do circuíto.

#### 4.4. CLASIFICACIÓNS DO CIRCUÍTO DE BASE:

- 4.4.1. As probas puntuables para o VII Circuíto Correndo pola Costa da Morte son as que aparecen no punto 2 do presente regulamento.
- 4.4.2. Para poder optar a esta clasificación os/as atletas deben inscribirse no circuíto de cada categoría de base. Os/As atletas que participen en todas as probas pero non se inscriban no circuíto non optan a esta clasificación.
- 4.4.3. Recibirán trofeo e/ou medalla de campións do circuíto os tres primeiros clasificados e as tres primeiras clasificadas nas categorías benxamín, alevín, infantil, cadete e xuvenil.



- 4.4.4. Os/As atletas participantes no circuíto deberán completar un mínimo de 7 probas para poder optar aos premios.
- 4.4.5. No caso de correr máis de sete probas, o/a atleta puntuará cos mellores 7 resultados acadados.
- 4.4.6. A puntuación acadada irá en función do posto obtido en cada unha das probas na súa categoría (1º posto=1 punto / 2º posto=2 puntos / 3º posto=3 puntos... de xeito que o/a atleta con menor suma de puntos, será o/a vencedor/a en cada unha das categorías.
- 4.4.7. No caso de empate a puntos o sistema de desempate será o seguinte:
- Número de probas rematadas.
  - Maior número de mellores postos.
  - Maior distancia en quilómetros percorridos (no caso de que as carreiras teñan distintas distancias).

#### 4.5. PREMIOS ESPECIAIS:

- 4.5.1. Recibirán **medalla finisher** todos os **corredores e as corredoras de circuíto** que **rematen todas as probas** do circuíto na modalidade na que se inscribiron.
- 4.5.2. Recibirán **medalla finisher** todos os **corredores e as corredoras de circuíto de base** que **rematen todas as probas** do circuíto na modalidade na que se inscribiron.
- 4.5.3. Todos os/as atletas inscritos en circuíto que rematen un mínimo de 7 carreiras terán dereito a un diploma conmemorativo que poderán descargar dende a plataforma [www.correndopolacostadamorte.com](http://www.correndopolacostadamorte.com)

#### 4.6. ENTREGA DE TROFEOS AOS CAMPIÓNS DE CIRCUÍTO:

Unha vez rematadas as probas do *Circuíto de Carreiras Populares "Correndo pola Costa da Morte"* organizarase, sempre que a situación o permita, un acto de entrega de trofeos/medallas aos tres primeiros e ás tres primeiras atletas en cada unha das categorías, así como un acto de entrega dos premios especiais. O lugar e a data en que terán lugar os actos de entrega serán comunicados coa suficiente antelación.

#### Organizadores do Circuíto Correndo pola Costa da Morte:





## ANEXO

### AUTORIZACIÓN PARA A PARTICIPACIÓN DE MENORES NA XXIX CARREIRA DAS AREAS

D/Dña. \_\_\_\_\_

\_\_\_\_\_ con DNI nº \_\_\_\_\_, como pai/nai ou titor/a e coñecedor/a do regulamento, autorizo, baixo a miña responsabilidade:

Que \_\_\_\_\_ con DNI nº \_\_\_\_\_, nado/a en \_\_\_\_\_ con data \_\_\_\_\_, participe na **XXIX CARREIRA DAS AREAS**, recoñecendo expresamente que se atopa en condicións físicas axeitadas para a práctica do exercicio físico e eximindo de toda responsabilidade aos organizadores, patrocinadores, colaboradores e voluntarios en canto ao desenvolvemento das súas funcións se refire.

Así mesmo, autorizo expresamente a Championship e á organización para o uso das imaxes en soporte fotográfico e/ou audiovisual que se captan durante as diferentes probas do circuíto sen ningunha limitación territorial nin temporal, polo que as imaxes fotográficas e/ou audiovisuais, poderán ser utilizadas, de xeito total ou parcial, por Championship e pola Organización para a súa publicación en medios de comunicación, nos distintos soportes que se empreguen para a promoción e difusión da carreira, nas webs [www.correndopolacostadamorte.com](http://www.correndopolacostadamorte.com) [www.championshipnorte.com](http://www.championshipnorte.com) e nas súas respectivas redes sociais, por un prazo de tempo ilimitado e sen contraprestación ningunha.

Para que así conste, asino a presente autorización en \_\_\_\_\_, o \_\_\_\_ de \_\_\_\_\_ de 2022.

Asdo.: